

Bosna i Hercegovina  
Federacija BiH  
Kanton Sarajevo  
Skupština Kantona Sarajevo  
n/r g. Elmedin Konaković, Predsjedavajući Skupštine  
n/r Damir Filipović, Ministar prostornog uređenja, građenja i zaštite okoliša Kantona Sarajevo

## ZASTUPNIČKA INICIJATIVA MORATORIJA NA IZGRADNJU OBJEKATA NA BJELAŠNICI

Dvanaesta radna sjednica Skupštine Kantona Sarajevo

Pokrećem inicijativu moratorija na izgradnju objekata na Bjelašnici.

**OBRAZLOŽENJE:** Izgradnja bilo čega na Bjelašnici, a pogotovo velikih sportskih objekata sa klozetima, tuševima i ostalim, apsolutno se ne smije nastaviti dok se ne obezbjedi adekvatna kanalizaciona mreža i njome zaustavi zagađenje vrela Bosne.

Onima kojima još nije došlo iz stražnjice u glavu moram skrenuti pažnju: zagađili smo Bosnu na njenom izvoru i to sopstvenim fekalijama! Drugim riječima: politička i druga elita Sarajeva je praktično ispraznila svoja debela crijeva na našu Bosnu.

Ako problem Bjelašnice i zagađenja vrela rijeke Bosne nekom i dalje nije jasan, ako je neko razvio slijepu mrlju za taj problem ili pak namjerno okreće glavu od njega, možda bi ovaj problem trebalo internacionalizirati u saradnji sa Zelenim Evrope i svijeta kako bi konačno razbudili nešto razuma i u glavama ovdašnjeg političkog društva i svih Bosanaca i Hercegovaca u zemlji i van nje.

Problem zagađenja vrela rijeke Bosne je prisutan godinama. On se nalazi u srcu ove zemlje, nadomak glavnog grada države i tiče se zagađivanja izvora rijeke po kojoj se ova država zove, stoga zaslužuje konstantnu pažnju istog pa i mnogo većeg intenziteta od aktuelnog problema još neizgrađene deponije nuklearnog otpada na Trgovskoj gori u Republici Hrvatskoj.

Sarajevo, 24.07.2019. godine

SAMOSTALNI ZASTUPNIK

Damir Nikšić